

Ia:4848
c.2

D. A.

Dissertatio Botanico - Medica
Sistens

RARIORA NORVEGIÆ,

Quam

Cons. Nobiliss. & Experientiss. Fac. Med. Ups:

Præside

Viro Illustriſſimo

D. D. CAROLO à LINNÉ,

EQUITE AURATO DE STELLA POLARI, S:Æ R:Æ. M:IS ARCHIATRO; MED. ET
BOT. PROFESSORE REG. ET ORD. ACAD. SCIENT. PARIS. UPS. HOLM.
PETROP. BEROL. IMP. NAT. CUR. LOND. ANGL. MONSP. TOLOS. FLOREN.
EDINE. BERN. NIDROS. CELLENS. MEMBRO,

Pro Gradu Doctoris

Publice Ventilandam offert

HENRICUS TONNING,

NORVEGO-NIDROSIENSIS

Philosophiae Baccalaureus.

In Auditorio Carolino Majori

Die 27 Februarii 1768.

H. A. ET P. M. S.

UPSALIÆ,

LITTERIS JOHAN EDMAN, REG. ACAD. TYPOGR.

THE
LITERARY
MAGAZINE,
AND
HISTORICAL
REVIEWER.
EDITED BY
D. D. CARMICHAEL, LITERARY
MANAGER.

Deres Kongelige Høghed
Sverrigs, Gothers og Ven-
ders ic. ic. ic.

Kron-Prindesse

SOPHIA
MAGDALENA,

God Kron-Prindesse til Danmark
og Norge ic. ic. ic.

Durchleuchfigste; Haadigste Brindseße!


or Eders Kongelige Höyheds Fodder nedlegget jeg
allerunderdanigst närvårende Academiske Afhandling om
mit Fäderneland Norge, dets wäxter og deres Nutte i Medicinen.
Man-

Mange Aarsager have vel drevet mig til en saadan høy : driftig Forvænshed , men i sår den Høyst : lovlige Thukommelse af Deres Kongelige Höyheds Høyst : Salige Herr Fader Kong FRIDERICH Den Feinte , og nu Regnårende Herr Broder vor Allernaadigste Konge , Kong CHRISTIAN Den Syvende , Hvilke Begge have viist den allerådelmodigste Omhue for Videnskabernes , og fornemmelig for Natural - Historiens Forsfremmelse i Danne- mark og Norge , paa det at de der i Mørket forud liggende Naturens Dyrebareste Skatter maatte dog engang komme for Lyset , og Deres u - beskrivelige Nytte i Oeconomien og Medicinen vorde bekjendt gjorde , en Høy - Kongelig Maade , som enhver Danse og Norst ej kan andet end priise og berdimme paa det allerhøyeste . Hvilken Materie kunde jeg vel derfor bedre udvælge til en Academisk Afhandling end denne ? og til hvilken anden skulde jeg vel heller kunde Dedicere den samme end til Deres Kongelige Höyhed ? allerheldst eftersom jeg nu er den første af Eders Kongelige Höyheds forrige Undersaattere , der siden Eders Kongelige Höyheds Høyst : velsignede Ankunft her til Riget haver studeret ved dette Academie.

Durchleuchtigste , Maadigste Prindsesse ! jeg beder allerunderdanigst , at dette mit ringe Prøve - Skrift maae i Maade optages , og dernest fordnær jeg paa det allerinnerligste , at den Aller-

Høys

Høyeste GUD, som hidindtil haver styret og ledsgaget Eders Konge.
Iuge Höyhed i ald Gudsfrngt og Høy-Kongelige Dyder, ogsaa
herefter fremdeles vil forlene Sin Maade til de sammes udøvelse, samt
vessigne og forlænge Eders Kongelige Höyheds Leve-Tid
til Hans Kongelige Höyheds Fornøjelse, heele Nordens Glå-
de, og Rigets almindelige Lyksalighed. I dette troeste Ønske har jeg
den Maade at være

Durchleuchtigste / Haadigste Brindseße !

Eders Kongelige Höyheds

Upsala, d. 20 Febr.
1768.

Allerunderdanigste Ejener
HENRICH TONNING.



CAP. I.

HISTORIA LITERARIA.

§. I.



tempora mutantur, nos & mutamur in illis.
Verissimum illud antiquioris ævi ef-
fatum nullus negabit; nam experien-
tia optima rerum magistra satis super-
que docet, tempora & cum illis o-
mnia multigenas vices subire. In u-
niversam rerum naturam si fugitivos tantummodo, non
dicam lynceos convertas oculos, nil firmum aut stabile
deprehendes. Montes subsidunt, insulæ emergunt, mare in-
terram & terra in mare transformantur; quin immo ho-
mines ipsi qua mores, vitæ genus & alia quotidianis
fere mutationibus sunt subiecti. Quum *Carthago* urbs o-

A

lim

lim Tunetana & ferocissima de fortitudine sua, de artibus scientiisque ampullas projiceret & sesquipedalia verba, Nostri ad extimas septentrionis oras plane rudes atque inculti omnes, quos poterant, spoliabant & piraticam exercebant. Quum *Roma* totius orbis Dominna unicuique genti leges præscriberet, crassissima ignorantia in septentrione regnavit; sed longum temporis psatum scenam demum mutavit, ut res longe aliter nunc sese habeant. Illi qui Tunetanas hodie inhabitant Regiones, summi jam barbari sunt & piratae, quum e contrario in boreali nostra plaga clarior lux affulserit, qui radiis coruscantibus maximam fere illuminat orbis partem. Pari modo scientiae quoque suum circulum habent & suam periodum, qua & augentur & minuuntur. Causas Illustrissimus Noster SUHMIUS in *Historia sua literaria*, quæ in *Actis Nidrosiensibus* legitur, tam evidenter illustravit & tam eruditæ, ut summam sui admirationem cuivis injecerit. Meum non est omnium heic loci scientiarum fata percurrere, proverbii satis memor: *Extra oleas ne vageris*, sed impræsentiarum apud animum unice statui mentionem quandam facere de *Medicinae* vel ejus *Filiarum* progresu novissimis hisce temporibus in patria mea NORVEGIA, quam ad orientem Alpes altissimi obtegunt, qui perpetua nive vestiti nubes minitari videntur, & ad occidentem Oceanus septentrionalis profundissimo suo abyso alluit, ut inter hæc duo opposita inclusa quasi jaceat. Heic ubi nulla ab antiquissimis retro temporibus Regia fuit & nulla unquam Academia, scientiae multo tardius radices suas figere ac propagari cœperunt, & si interdum unus vel itidem alter alacritatem ingenii sui in medium protulit, radios ejusdem dispergere valde difficile fuit, quum nullas, quas licet adire, Bibliothecas publicas habeamus.

§. II.

Circa medium seculi proxime præterlapsi ornatis-simos Artis Machaoniæ Coryphæos simul fere & semel DANIA produxit, Bartholinus nempe, Borrichium, Wormium, Stenonem & Simonem Pauli, ut Kyllingium, Burserum nec non Furenum Botanicorum sui ævi in Patria Principes, aliosque de Re Medica optime meritos omnino conticeam: veruni enim vero, proh dolor! fulgentissimis hisce sideribus patriæ subductis, universa quoque ibidem Lux Medicinæ plane fuit extincta, & tale salutaris hujus Artis fatum continuavit, usque dum currentis seculi Viri longe celeberrimi ac Professores Buchwaldus puta & Frisius, præsentia Patriæ Decora, scientiam hancce restaurare ac de novo propagare summo cum successu conati sunt, ne Bingium nostrum jam rebus humanis ereptum silentio prætermitam.

§. III.

Scientiæ plurimæ ex Imperantium nutu favoreque & oriri & crescere solent. Defunctum nostrum Beatis-sime Memoriæ Regem FRIDERICUM QVINTUM, ut & Clementissimum ac Gloriosissimum CHRISTIANUM SEP-TIMUM jam jam scepta tenentem, quibus in Dupli-ci suo Regno scientias non tantum fovere, verum etiam, quantum possibile, promovere curæ cordique fuit, verbis non satis adorare valemus: Illorum liberalitas ve-re Regia fecit, ut Conchyliologiam Regenfusi, Insecta Schæfferi & Floram Danicam oëderi orbi eruditio communi-care possimus, opera præstantissimis iconibus sculpta & vivacissimis coloribus illuminata. Præterea quoque magna illa Expeditio nonnullis abhinc annis facta, quum Dn. Prof. von Haven, Dn. Forskåbl Professor Havnienfis & natione Svecus, it: Dn. Subcenturio Niebuhr una cum Medicinæ Doct. Cramer & Pictore Dn. Pfaurenfeind Arabiam mitterentur, summum munificentia Regiæ speci-

men erat, licet Deo T. O. M. neutiquam placeret propositum itineris scopum attingere; nam *Von Haven*, *Forskahl*, *Cramer* & *Pfaurenfeind* sub itinere in Arabia ex vita migrarunt, ac *Niebubr* solus, quantum ex publicis hujus loci relationibus conjicere potui, jam vivus Havniam rediit. Immo vero, si sermonem ulterius habere velimus de insignioribus illis, in hoc quod jam terimus ævo enatis ingeniis, quæ in plurimis Historiæ Naturalis partibus strenue desudarunt, vix ac ne vix quidem ullum in toto orbe Regnum plures melioresque sperare potest Naturæ consultos. *Dn. Prof. Kratzenstein* & *Sprengler* in *Conchyliologia*, *Dn. Prof. Ascanius*, qui pulcherrimas *Incolarum Maris* icones modo exhibuit, *Brünniche* in *ornithologia*, *Fabricius* in *Entomologia*, *Zoega* in *Muscis*, *König*, qui in Islandia ordinem *Molluscorum* & genus *Fucorum* variis novis speciebus auxit, & jam Historiam Naturalem ulterius amplificaturus Tranquebariam petiit, quin immo & *Müller*, qui *Floram Fridrichsdalensem* non ita pridem in lucem edidit, ut nonnullos alias sicco pede transeam: verum scopus iste, quem hac vice animo concepi, patriam meam *Norwegiam* una cum adjacentibus insulis *Grönlandia*, *Islandia* & *Færöensibus*, provinciis totius Europæ maxime dissitis, unice attingit.

§. IV.

Quum scientiæ Naturæ postremis hisce temporibus nova quasi vita obtigerit, novusque splendor affulserit, non tantum per Europam australiorem sese diffudit, sed &, quod valde mireris, ad gelidas nostras septentrionis oras penetrare non recusavit. Heic quoque ejusmodi fuere ingenia, quæ eandem non modo capere valuerunt, verum etiam ulterius dilatare ac locupletare. Omnipotens rerum opifex gratia inexhausta quamlibet regionem variis & quidem distinctis produxit.

Etis bonisque ditavit. India, Regiones temperatae nec non Poli suis propriis gaudent accolis. Plantæ alpinæ ad polum borealem habitantes; *Balænæ*, *Aves*, *Pisces* ac *Vermes* ad nostra usque tempora, paucissima si exceperis, cimmeriis tenebris fuere sepulta, quæ indefessa Nostratum Cura industriaque in clarissimam scientiarum lucem protraxit. *Clusius* (in Curis posterioribus) paucas quasdam *Aves*, *Vermes*, *Zoophyta*, *Rubum Chamænorum* & *Cornum herbaceam*, quæ omnia ex Norvegia erant transmissa, erudito quidem orbi communicavit: *Simon Pauli Linnaeum borealem* una cum nonnullis aliis septentrionalibus plantis primus hisce in locis invenit. *Petiverus Splachnum ampullaceum* e Norvegia & *Dillenius Saxifragam groenlandicam* cum *Muscis* nonnullis grönlandicis primi accepere, sed vix aliam deoris nostris notitiam habuerunt vetustioris ævi Botanici. Inter prima quæ nomen momenti & recensionem merentur, annumerari potest *Frid. Martens spitzbergische Reise-beschreibung*. Hamburg. 1675. in 4to. Attentissimus iste chirurgus multas quidem *Plantas alpinas*, *Aves norvegicas*, *Pisces* & alia *Animalcula marina* primus detexit, sed major tunc temporis lux requirebatur, quam quæ poterat obtineri, quum Naturæ cognitio adhuc manca plane & mutila eslet. *Dn. Præpositus Luc. Debes* 1. in *Insulis Færöensibus*, *Episcopus Egede* 2. in *Grönlandia*, *Jon. Ramus* 3. & *Fuirenus* 4. in *Norvegia* strenuam quidem Historiæ Naturali impenderunt operam, sed sine pyxide & mappa nautica in alto scientiarum pelago navigantes fundum rimari non poterant. Curiosissimus

A 3

Consul

1. Vid. *Færøernes Beskrivelse*.2. Vid. *Grönlands Nye Perlustration*.3. Vid. *Norges Beskrivelse*.4. Cujus *Index Plantarum Nidrosiensium* exstat in *cista medica Thom. Bartholini.* ..

Consul Hamburgenis Anderson 5. omnia de *Islandia & Grönlandia* ab aliis collecta in unum redegit, sed regiones quas descripscerat nunquam ipse videns varia attulit, quæ veritati repugnant. *Academie Nostræ Procancellarius ac Episcopus Summe Reverendus* jam ex vita migratus *Eric. Pontoppidan* 6. ad abditissima creationis mysteria denudanda sancto quidem zelo impulsus est, sed aliorum & quidem sæpius, proh dolor! falsæ relationes interdum se irrepsrerunt, quum reliquæ scientiæ & permagna officii munera *Auctori Doctissimo* ad intimos Naturæ mæandros penetrare nequaquam permetterent. Non multi effluxere anni, quibus Historia naturalis in regione nostra pleno lumine claruit; nam nuperrime acutissima quædam ingenia proprio marte & sine ullo Viæ ductore (quod in hac ut in omnibus reliquis scientiis summam quidem laudem meretur, sed tardiores facit progressus) Scientiam hancce familiarem sibi reddere occœperunt, qua *Nobiliss. Dn. Præses* totum fere universum illuminavit, ut omnes quotquot sunt, si modo avide appetant, & ad ora & ad scripta Illius pene Divina facem suam tanquam ad lucernam accendere queant.

§. V.

Inter acutissima ista, quæ jam dixi, nostratum ingenia primarium locum optimo jure meretur *Summe Reverendus ac Doctissimus Dioeceseos Nidrosiensis Episcopus Doct. JOHANNES ERNESTUS GUNNERUS*, qui famam per totum literarum orbem extendit, & immortale suum Nomen ad omnem posteritatis memoriam consecravit non solum variis suis *Scriptis Philosophicis* a cunctis ubi-vis Literatis summo in pretio habitis, verum etiam *Scriptis Theologicis* profundissimam sacri codicis eruditio-nem

5. Vid. *Nachrichten von Island und Grönland.*

6. Vid. *Norges Natürliche Historie,*

nem testantibus, cuius rei exemplo inservit *Theologia Ejus Dogmatica*, quæ tanti æstimata est, ut ad nonnullas orthodoxas Germaniæ Academias & præsertim ad Ienensem in Auditoriis summa cum laude prælegatur. Ille Theologo haud indignum judicavit Sapientissimum & omnipotentem Mundi conditorem, Naturam obseruando, cognoscere, sed & rerum creatarum multiplicem ac summe necessarium usum in Oeconomia Divina humanaque nec non in Arte nostra Apollinea prævidens, Historiam Naturalem assidua sua sedulitate brevi temporis spatio ad fastigium satis amplum elaboravit: quo facto Regiam Societatem Scientiarum Norvegicam Ao. 1761 Nidrosiæ deinceps fundavit, quæ jam diu III. Tomos Actorum in apricum protulit, & IV. forsan Tomus nunc quoque prelum reliquit. *Floram etiam Norvegicam observationibus medicis & oeconomicis locupletatam Nidrosiæ 1766. in Fol. c. fig. edidit.*¹ Omnes præterea sibi subiectos clericos quotidie excitat, horis succisivis & a cura animarum vacuis, quævis obvia Naturæ Miracula barbaris Monachorum oculis non contemplari, sed admodum exakte attendere ad Sapientissima ista Divini Numinis Mysteria.

§. VI.

Locum secundum, post Summe Reverendum Virum Episcopum nostrum Gunnerum, jure meritoque obtinet Venerabilis Pastor Dn. JOH. STRÖM qui Descriptionem Præfecturæ Söndmōriæ i. in Dioecesi Bergensi publico communicavit. In hac sua descriptione Regionis situm, Plantas, Animalia, Aves, Pisces, Agriculturam, Pastoritiam, Navigationem, Piscaturam, Mores Incolarum &c. magis dilucide

1. Hæc Descriptio danico idiomate facta pro titulo habet: *Physisk og øconomisk Beskrivelse over Fogderiet Söndmör, beliggende i Bergens stift udi Norge. Cum Fig. Soroe, 1762. vol. II. in 4to.*

dilucide explicat, quam qui opus non viderit, persuasissimum sibi haberet. Præterea nec quoque hoc in loco JOH. G. KÖNIGIUM, de quo antea memini, silentio prætermittere debeo, qui in *Islandia* ante duos, vel quod forsan excurrit, annos incomparabili studio recondita terræ munera eruens rigidissimo subjicit examini. Apud Nobiliss. Dn. *Præsidem* ipse vidi compluria ista *Mollusca*, quæ Ille primus in lucem protraxit, nec non numerosissimos *Fucos* Hominibus vel Bobus, Equis vel Suibus pro alimento inservientes; quid! quod tintorios & Venenatos, qui omnes in *edit. XII. Systematis Naturæ* breviter enumerantur, & Cujus observationes Nobiliss. Dn. *Præses* tanti habuit, ut in sempiternam Illius memoriam herbam quandam, a nullo unquam Botanico in toto globo terraquo antea visam, & ab Illo in *Islandia* primo detestam *Königiam* appellare obstrictum fese teneret. Ad ultimum commemorare heic quidem nolo, sed tamen omnino conticere non possum, *Aves* istas ac *Animalcula marina*, quæ Dn. Martin navi svecana *Spitzbergam* vectus collegerat. *Aves* ejus in *Aet. Acad. Reg. Scientiar. Holmens.* descriptæ habentur, & *Vermes Faunam Svecicam* vel *Systema Naturæ* auferunt.

CAP. II.

VEGETABILIA.

§. VII.

Plantæ Norvegiæ plurimæ vulgares in Svecia sunt, quum Norvegia & Svecia borealis eandem poli habent altitudinem. *Alpes Lapponicæ* Norvegiæ a Svecia ita sejungentes, ut occidentales ad Norvegiæ, orientales vero ad Sveciam pertineant, propriis quidem magna ex parte plantis superbiunt, sed iisdem quoque, quantum conjectare

conjectare licet, utrisque Regnis communibus. Mare septentrionale versus meridiem Bahusiae quidem litora in Svecia affluit, ast occidentem versus Norvegiam profundissimo suo abyssō incarcerat, veluti nubilae Alpes ad orientem.

§. VIII.

Inter Plantas NORVEGICAS, quae vix vel nunquam spontaneae in Svecia visae sunt, sequentes ut principales anumero.

Galium trifidum. Oed. fl. dan. t. 48.

Ilex aquifolium. Ström. fōndm. 99. in insulis.

Pulmonaria maritima. Oed. dan. t. 25. Gunn. fl. norv. p. 14.

Primula integrifolia. Oed. dan. t. 188. Gunn. norv. 61.

Gentiana purpurea. Oed. dan. t. 50. Gunn. norv. 46.

Bunium Bulbocastanum. Oed. dan. t. 220. Ström. fōndm. 78.

Tamarix germanica. Oed. dan. t. 234. Gunn. norv. 61.

Erica cinerea. Oed. dan. t. 38.

Sedum villosum. Oed. dan. t. 24.

Sorbus hybrida. Ström. fōndm. 83. valde rara in Svecia.

Potentilla aurea. Oed. dan. t. 114.

Papaver nudicaule. Oed. dan. t. 41.

Ranunculus platanifolius. Oed. dan. t. 3. Ström. fōndm. 117.

Secundum figuram Oederi hæc planta Ranunculus platanifolius & non Ranunc. aconitifolius esse videtur.

Digitalis purpurea. æd. dan. t. 74. Gunn. norv. 54. Ström. fōndm. 85.

Vicia cassubica. æd. dan. t. 98.

§. IX.

Plantæ nonnullæ ISLANDICÆ a Clariss. Dn. Knigio Fucis exceptis, de quibus inferius dicam, primo detectæ & rarissimæ.

Königia islandica. S. N. 104.

Gentiana campestris β. S. N. 200. Varietas tenerior.
ciliata. β. S. N. 201. absque ciliis.

Lichen gelidus. S. N. 709.

§. X.

Plantæ ALPINÆ permultas Botanicis ob iconum exactarum defectum crearunt molestias, quia plurimæ secundum exemplaria sicca piæ & exsculptæ sunt; nam omnino non bene succedit in lapponum tentoriis commorari, ubi fumus, vis venti & Culices quovis fere momento Botanicum infestant, nec cujuslibet præterea opes, ut plurimum tenues, Pictoribus secum ducendis & persolvendis sufficiunt: igitur REGI Nostro CLEMENTISSIMO præconia satis digna tribuere nunquam valimus, qui *Celeberr. Dn. Prof. Oedero* Pictorem in itineribus Regiis suis Impensis adstipulatus est, quo figuræ omnes evaderent quam accuratissimæ, & hac de causa sequentes jam *Plantas alpinas*, in *Flora Danica* optime figuratas & coloribus vere nativis illuminatas, acceperimus.

<i>Diapensia</i>	<i>lapponica</i> t. 47.	<i>stellaris.</i> t. 23.
<i>Primula</i>	<i>integrifolia</i> t. 188.	<i>nivalis.</i> t. 28.
<i>Azalea.</i>	<i>procumbens.</i> t. 9.	<i>oppositifolia.</i> t. 34.
<i>Gentiana</i>	<i>purpurea.</i> t. 50.	<i>azoides.</i> t. 72.
	<i>nivalis.</i> t. 17.	<i>Hirculus.</i> t. 200.
<i>Sibbaldia</i>	<i>procumbens</i> t. 32.	<i>cernua.</i> t. 22.
<i>Juncus</i>	<i>glomeratus.</i> t. 270.	<i>rivularis.</i> t. 118.
	<i>trifidus.</i> t. 107.	<i>biflora.</i> t. 12.
	<i>biglumis.</i> t. 120.	<i>alpina.</i> t. 65.
	<i>triglumis.</i> t. 132.	<i>alpinum.</i> t. 92.
<i>Rumex</i>	<i>digynus.</i> t. 74.	<i>aurea.</i> t. 114.
<i>Andromeda</i>	<i>cærulea.</i> t. 57.	<i>octopetala.</i> t. 31.
	<i>hypnoides.</i> t. 10.	<i>alpinum.</i> t. 11.
<i>Arbutus</i>	<i>alpina.</i> t. 73.	<i>glacialis.</i> t. 19.
<i>Saxifraga</i>	<i>Coryledon.</i> t. 241.	<i>alpina.</i> t. 43.
	<i>sespitoſa.</i> t. 71.	<i>Sceptrum.</i> t. 26.
		<i>bei-</i>

	<i>biflora</i> . t. 30.	Serratula	<i>alpina</i> . t. 37.
Draba	<i>lapponica</i> . t. 2.	Erigeron	<i>uniflorum</i> . t. 292.
	<i>alpina</i> . t. 36.	Tussilago	<i>frigida</i> . t. 61.
	<i>incana</i> . t. 130.	Viola	<i>biflora</i> . t. 46.
	<i>birta</i> . t. 142.	Carex	<i>atrata</i> . t. 158.
Cardamine	<i>hellidifolia</i> . t. 20.	Betula	<i>nana</i> . t. 91.
Arabis	<i>alpina</i> . t. 62.	Salix	<i>herbacea</i> . t. 117.
Astragalus	<i>alpinus</i> . t. 211.	Rhodiola	<i>reticulata</i> . t. 212.
Sonchus	<i>alpinus</i> . t. 182.	Lycopodium	<i>rosea</i> . t. 183.
Hieracium.	<i>alpinum</i> . t. 27.		<i>alpinum</i> . t. 79.

§. XI.

Hisce Plantis alpinis etiam nonnullas alias minus vulgares, præprimis SEPTENTRIONALES s. frigidas, in eadem nostra Flora perbene delineatas superaddere possum.

Cornus	<i>herbacea</i> . t. 5.	Cochlearia	<i>danica</i> . t. 100.
Scheuchzeria	<i>alpina</i> . t. 76.	Lobelia	<i>Dortmanna</i> . t. 39.
Pyrola	<i>minor</i> . t. 55.	Orchis	<i>ustulata</i> . t. 103.
Rubus	<i>Chamæmorus</i> . t. 1.	Carex	<i>filiformis</i> . t. 168.
Anemone	<i>verna</i> . t. 29.	Osmunda	<i>Struthiopteris</i> . 169.
Thalictrum	<i>simplex</i> . t. 244.		<i>Spicant</i> . t. 99.
Ranunculus	<i>reptans</i> . t. 118.	Pilularia	<i>globulifera</i> . t. 223.
Ajuga	<i>pyramidalis</i> . t. 185.	Isoëtes.	<i>lacustris</i> . t. 199.
Melampyrum	<i>sylvaticum</i> . t. 145.	Lycopodium	<i>complanatum</i> . t. 78.
Linnæa	<i>borealis</i> . t. 3.	Blasia	<i>pusilla</i> . t. 45.
Limosella	<i>aquatica</i> . t. 69.	Buxbaumia	<i>aphylla</i> . t. 44.
Subularia	<i>aquatica</i> . t. 35.		

§. XII.

Plantas MARINAS spatiofa nostra obtegentes littora, nimis prolixus forem, si speciatim enumerare vellem, quapropter hac vice temporis ac chartæ parcus in *Fucis primariis* recensendis unicus subsisto. Hi Fuci partim a Summe Reverendo viro Gunnero, partim a Clariſſ. Dno. Königio & partim a me ipso visi sunt.

Fucus	<i>serratus</i> . Gunn. norv. 28.	<i>inflatus</i> . S. N. 715.
	<i>vesiculosus</i> . Gunn. norv. 48.	<i>ceranoides</i> . Fl. sv. 1146.
	<i>excisus</i> . Gunn. norv. 96.	<i>spiralis</i> . Fl. sv. 1147.

- canaliculatus.* S. N. 716.
distichus. S. N. l. c. König.
nodosus. Gunn. norv. 83.
siliquosus. Gunn. norv. l. c.
loreus. S. N. 716.
abrotanifolius. S. N. l. c.
fenicularius. S. N. 717.
Selaginoides. S. N. l. c.
concatenatus. S. N. l. c.
aculeatus. S. N. l. c. D. Gunnerus.
lycopodioides. S. N. l. c.
hirsutus. S. N. l. c.
discors. S. N. l. c.
Filum. Fl. sv. 1152.
lanosus. S. N. 718. König.
fastigiatus. Gunn. norv. 48.
furcellatus. S. N. 718.
palmatus. S. N. l. c.
digitatus. S. N. l. c.
esculentus. S. N. l. c.
saccharinus. Gunn. norv. 52.
sanguineus. S. N. 718.
ciliarus. S. N. l. c.
eripus. S. N. l. c.
eristatus. S. N. l. c.
alatus. S. N. l. c.
- dentatus.* S. N. l. c.
rubens. S. N. l. c.
vittatus. S. N. l. c.
ramentaceus. S. N. l. c.
plumosus. S. N. l. c.
spermophorus. S. N. 719.
 König.
confervoides. S. N. l. c.
 König.
virgatus. Gunn. norv. 45.
 Description. & icon. vid.
 in Tom. IV. Act. Nidr,
hyperborens. Gunn. norv.
 34. cum. sig.
caprinus. Gunn. norv. 96.
 Icon. vid. in Tom. IV.
 Act. Nidr.
bifurcatus. Gunn. norv. l.
 c. Icon. vid. in Tom. IV.
 Act. Nidr.
ovinus. Gunn. norv. l. c.
 Icon. vid. in Tom. IV.
 Act. Nidr.
pinnatus. Gunn. norv. l. c.
 Icon. vid. in Tom. IV.
 Act. Nidr.

§. XIII.

Præter hasce jam memoratas Plantas spontaneas nec
 omittere possum *Fructus nonnullos americanos*, qui ad o-
 ras nostras maritimæ quovis fere anno rejiciuntur. Hi
 omnes à *Summe Reverendo nostro Gunnero in Act. Nidr. T.*
II. exquisite descripti aut per oceanum, quo via ex Æ-
 merica patet, aut & interdum, quod tamen rarius, per
 naufragia ad nostra litora transnatant.

Legum. *Cassiae Fistulae* vulgo *Cassiae-Rör.*

Nux reniformis *Anacardii occidentalis.*

Pom. *Cucurbitæ lagenariæ* vulgo *Calabaffer.*

Legum. *Mimosæ scandentis.* Norv. *Lösmings-steene*, *Bue-*
steene

Steene, Söetræ nødder. In insul. Færöensib.
Vette-nyrer. Luc. Debes.

Piscidia erythrina. Linn. Lobus peregrinus cartilagineus.
Clus. exot. p. 66. *Faba indica & americana.* *Worm. mus.* p. 198. *Norv. orme-steene.*

Drup. *Cocos nuciferae.* Norv. *Ege-nødder,* sed alias vulgo *Cocos-nødder.*

CAP. III. MEDICA.

§. XIV.

Medicamenta quæ Pharmacopæis *Simplicia* audiunt, è terris nostris, ut vulgaria omittam, ad exteros & transportantur, & magna satis in copia transportari queunt, quorum nonnulla tantum exempla adferam.

Gentianæ rubræ (*Gentianæ luteæ* Linn.) Radix non tantum in Norvegia australiore, sed & in alpe Budalensi & in Grötten Romsdaliæ.

Angelicæ sativæ (*Angelicæ Archangelicæ* Linn.) Radix in alpibus juxta rivulos & fontes vulgarissima, nec non in insulis.

Chamæmorus (*Rubus Chamæmorus* Linn.) in paludibus cespitosis freqventissima. Rob. f. *Baccæ conditæ* quovis anno ut *remedium summe beneficians* exportantur, non solum pro mensarum acetariis, verum etiam pro Pharmacopoliis medicis.

Linnæa borealis sæpe copiosissima in sylvis acerosis antiquissimis ad *officinas Havnieneses* abundantiter transmittitur.

Myrtus brabantica (*Myrica Gale* Linn.) juxta paludes
vulgatissima.

Rhodiæ (*Rhodiolæ roseæ* Linn.) radix in siccis alpinis
frequens.

Muscus islandicus (*Lichen islandicus* Linn.) in sylvis ace-
tosis siccissimis & sterilissimis copiosus,
novissimis hisce temporibus in Phar-
macopæas pro *Hecticis* est introductus.

§. XV.

MEDICA quod attingit, illa conterraneorum me-
orum *Euporista*, omnibus extra Norvegiam haud com-
muniter familiaria, leviter tantum percurrere volo, be-
ne gnarus præstantissima, quibus Ars nostra jam no-
bilitata splendet, medicamenta ab ejusmodi gentibus
fuisse detecta, quæ eadem longâ experientiâ compro-
bante optatos sæpen numero effectus produxisse observa-
verint, igiturque inter Arcana perdiu habuerint, do-
nec per ora volitando sensim sensimque detecta Me-
dicorum in manus pervenerint, e. gr.

Verbasci (*Verbasci nigri* Linn.) Radix contra *Phtisim*
boum a Söndmōris adhibetur. *Ström.* Söndm. 133.

Cicuta. (*Cicuta virosa* Linn.) Radicem contusam rustici
& alii contra dolores *Arthriticos* externe appli-
cant. *Gunn. fl. norv.* 27.

Alsine media. Herba recens inter duos lapides vulgo
contunditur, & *Furunculis* imponitur, immo
etiam ob egregiam suam vim antiphlogisti-
cam f. refrigerantem pone aures applicatur
in *morbis oculorum inflammatoriis*. *Gunn. fl.*
norv. 70.

Tamarix germanica. Decoctum hujus fruticis contra *Sca-
biem* adhibent Dalenses, unde & ab iis-
dem *Klaavedd* dicitur. D. Henrici. *Gunn.*
fl. norv. 61.

Ros Solis. (*Drosera rotundifolia* Linn.) Viscus foliorum Serpigini & Ophthalmiae tempore verno inungitur. *Ström.* sōnd. 85.

Lilium Convallium. (*Convallaria majalis* Linn.) Flores foliis Salviæ plerumque admisti in pulvere nasalí contra *Coryzam* adhíbent Nidrosienses. *Gunn. fl. norv.* 67.

Rumex *crispus*. Radix contra *Scabiem*, non tantum externe a Tranðensibus applicatur, sed & in Decocto propinatur, quod etiam in *Ictero* valet. *Gunn. fl. norv.* 23.

Laureola. (*Daphne Mezereum* Linn.) Corticem externe contra *Spasmos* applicant Dalenses, & ex cortice Baccisque unguentum in *ulceribus Cacoëthicis* parant. *Gunn. fl. norv.* 18.

Pyrola *uniflora*. Folia masticata aut infusa contra *Ophthalamiam* imponuntur. *Gunn. fl. norv.* 54.

Saxifraga *Cotyledon*. Decoctum foliorum in *Phtbisi* tana hominum quam boum Dalenses & Budalenses propinant. *Gunn. fl. norv.* 12.

Cucubalus *Beben*. Flores rustici externe applicant contra *Herpetem*, & *Ischiadici* Decocto Visco albo permisto utuntur *Gunn. fl. norv.* 9.

Sedum minus (*Sedum acre* Linn.) Decoctum cum lacte vel Cerevisia paratum *Scorbuticis* inservit. *Gunn. fl. norv.* 60. & *Ol. Borrichius in usu Plantar. indigenar. in Medicina pag.* 54. ita scribit: Medicum castrensem Profess. Lundinensem nomine *Below* hujus herbæ Decocto in Cerevisia quadam millia hominum contra *Scorbutum* sanasse. *Ström.* sōndm. 125.

Ranunculus acris. Petala loco vesicatorii in *Epiphora* & *Arthritide* usurpantur. *Gunn. fl. norv. 62.*

Serpyllum. (*Thymus Serpyllum* Linn.) Vulgus Decoctum contra *Erysipelatem capitis* adhibet. *Gunn. fl. norv. 81.*

Linaria. (*Antirrhinum Linaria* Linn.) Admodum diuretica *Hydropicis* succurrit; externe vero abdomini applicatur in *Stranguria*. *Gunn. fl. norv. 89.*

Linnaea borealis. Herba ut specificum usurpatur in Infuso vel Fotu vel Fumo contra *Febrem scartinam* & alia *Exanthemata* singulari effectu. *Gunn. fl. norv. 37. Nobiliss. Dn. Præses* duos singulares casus communicavit, quibus duo homines ultra dimidium annum iecto detenti à *doloribus ischiadicis* intra triduum Decocto hujus saturatissimo sani facti sunt, sed a Decocto hausto obdormivere per sedecim vel viginti horas.

Bursa pastoris. (*Thlaspi Bursa pastoris* Linn.) Succus experimento plebis vulnera sanat. *Gunn. fl. norv. 95.*

Hypericum. (*Hypericum perforatum* Linn.) Oleum Florum infusum margini vulnerum illinitur. *Gunn. fl. norv. 88.*

Carduus heterophyllus. Succus foliorum expressus Vulneribus bono cum successu instillatur. *Ström. sñdm. 79.*

Millefolium. (*Achillea Millefolium* Linn.) Infusum vel Decoctum contra *Hæmoptysin*, *Hæmorrhoides* & præcipue *Rheumatismum* a rusticis propinatur. *Gunn. fl. norv. 71.*

Abies. (*Pinus Abies* Linn.) Turiones assati vel contriti *Ambustis* imponuntur. *Gunn. norv. 26.*

Hippophaë Rhamnoides. Pro Deco^{cto} lignorum diuretico à rusticis nonnullis paratur. *Gunn.* fl. norv. 10.

Rhodia. (*Rodiola rosea* Linn.) Radicis Deco^{cto} lavant Crines, ut prolixiores fiant. *Gunn.* fl. norv. 49.

Lichen parietinus. Manipulum hujus vel & Lichenis *candelarii* cum uno lactis sextario (en Pott) per quadrantem horæ sub operculo coquunt Bedstadienses, & cyathum murrinum Deco^{cti} probe decolati mane & vesperi contra *Icterum* hauriunt singulari effectu. *Gunn.* fl. norv. 75.

Lichen Vulpinus. Occidit *Lupos*, qui eo solo aliquibus in provinciis sunt extirpati. *Ström.* Söndm. 103.

§. XVI.

Lepra vulgo *Elephantiasis* est morbus per totum orbem apud maris accolas valde frequens, hinc & in Norvegia. Causam hujus morbi Medicis ad nostra usqne tempora summe obscuram *Dn. Martin e Norvegia* redux in *Act. Reg. Acad. Sc. Holmens.* 1760. primus descripsit. Deinde Reverend. *Dn. Ström* in *Descript. Söndm.* unanimi pescatorum consensu idem asserit, nempe Lepram istam a Gordio *marino* (Norv. *Queise*) qui in piscium marinorum & præfertim in Clupeæ *Harengi* visceribus copiosissime habitat, vere ac unice prove nire. De hac re conf. ult. *D. D. Uddmanni* *Dissert. de Lepra* p. 11. sq. Causa jam detecta Medicis quidem via sanandi patet, sed nihilominus tamen summa il lorum ingenia excentur, usque dum Vermiculum i stum vitae tenacissimum, sine ulla humani corporis noxa, interimere & expellere valuerint. Problematice propono *Spirit. mercurial.* *Swieteni*, quem patriæ redditus

probare, & si optatus exinde sequetur effectus, Publico deinceps communicare non recusabo.

§. XVII.

Alius morbus Medicis quoque ratione caussæ vulgo incognitus est *Colica Lapponum*, quæ in *Fl. Lapponic.* Nob. *Dn. Præsidis* sub nomine *Hotme s. Ullem* describitur. Hæc Lapponibus, qui aquas rivulorum & fontium ex Alpibus defluentes copiose bibunt, dirissima creans symptomata oritur, ut *Aëtor. Taurinens. Tom. I.* testatur, ex parvula quadam *Fasciola nigra*, quæ a *Fasciola hepatica* aliquantis per differt, & in rivulis alpinis passim habitat. Tutissimum in hoc morbo remedium *Solutio Muriæ* sine dubio erit, quem Sal citissime vermiculum istum occidat.

COROLLARIUM DE GUNNERA.

Ad ultimum intactam relinquere nec possum nec debeo Plantam quandam rarissimam *Promontorii Capitis Bonæ Spei*, quam Nob. *Dn. Præses* in memoriam Reverendiss. *Episcopi Gunneri*, qui sub polo nostro arctico Historiam Naturalem in clarissimam lucem produxit, nomine **GUNNERA** *perpensa* nuperrime salutavit. Hæc planta a paucissimis visa jam primum in *ed. XII. S. N.* ob particularem fructificationis structuram ad certum suum & determinatum genus referri potuit.

Genus in Mantissa plantar. p. 16. n. 1272. perfecte descriptum occurrit, & in eo a reliquis differt, quod *Calycem* vel *Corollam* non habeat, sed *Germen* ovatum undique more *Xanthii* vestitum sit *crusta* quasi *calycina*, cuius apex *duobus mucronibus* terminatur, inter quos *duo* tenerrimi *styli* prominent: illud vero, quod summa cujuslibet Botanici meretur attentionem, in eo consistit, quod *stamina* *opposite* in *medio Crustæ germnis*,

nis, & non inter mucrones corticis sedeant, ut sequens figura ostendit. Hac in re quædam cum *Chara* in-theram ad bal- sin germinis habet. *Caulis* aphyllus panicula s. racemo proxime accedit ad *Fra-*
xini excelsioris thyrsum, & nullo modo cum familia *Bliti*, nec facile cum aliquo ordine naturali comparari potest, quapropter & hoc genus ab omnibus reliquis generibus cognitis ita distinctum evadit, ut alias quodpiam etiamnum notum genus. *Habitus plantæ* nec minimam quoque cum ullo ordine naturali similitudinem habet; nam *Folia radicalia*, *cordato-orbiculata*, *denticulata*, *trinervata*. *Caulis elongatus nudus*, & *Racemus compositus floribus omnino nudis* f. & *perianthio* & *Corolla* *destitutis*, nunquam in aliis vegetabilibus dantur. *Classem* quoque hujus plantæ constituere valde difficile est, quum *stamina* ad latera germinis sedeant, ut, an flos sit superus an inferus, vere non dixeris; nihilominus tamen ad *Classem Gynandriæ Diandriæ* retulit Nob. Dn. *Præses.*

Descriptio plantæ etiam in eadem *Mantissa p. 121.* habetur cum synonymis. *Hermannii* nomen est *Petasites*, quia habet folium *Tussilaginis* respectu magnitudinis & figuræ, vel potius folium *Calthæ*, nec tomentosum ut in *Tussilagine*, nec tam glabrum ut in *Caltha*, sed *trinervatum* ut in *Lappa* & *Petasitide*. *Figura* *Plukenetii tab. 18. f. 2.* alias unica, hoc vitii habet, quod folium nimis parvum; *caulis* non nudus; & *racemus distichus* sit, quum tamen *racemulos* sparsos habeat. *Radix*, teste *Hermanno*, crassa & flavescentia. *Locus* in subhumidis. An saporem et odorem habeat, plane ignoramus.



Mein Freund !

Sinem Begriff zufolge, welchen vernünftige Geschöpfe von dem selbständigen Wesen haben, ist nichts in der Welt ohne Nutzen herfürgebracht, ob uns gleich wegen der engen Gränzen unsers Verstandes vieler Dinge Nutzen verborgen ist. Sie, mein Freund, haben sich vorgenommen nicht nur allein die rareste und nützlichste Dinge im menschlichen Leben, mit welchen Ihres geliebtes Vaterland von dem Höchsten versehen ist, vorzustellen; sondern auch die Gelehrte von Ihnen verdientesten und preiswürdigsten LandsLeuten, welche auf Erfindung und Erklärung der selben und Zuwachs der Naturalhistorie gearbeitet haben und annoch arbeiten, in Ihrer Gradual Dissertation anzuseigen. Dieses giebt mir Anleitung zu gestehen, daß dieses Ihr Unternehmton nicht allein rühmlich und Ihren Einsichten in der Naturalhistorie und Arzney-Wissenschaft gemäß ist, sondern auch alle Ihnen verbindlich macht. Als Freund nehme ich hievon erwünschten Antheil, und bezeige öffentlich die reineste Freude über den Zuwachs Ihres verdienten Rühmes. Der Himmel vernehre Ihre Tage mit einer langen Reihe von Jahren, daß aber vollkommen Gesundheit, auf daß Ihr geliebtes Vaterland reichen Nutzen von Ihnen, in der Kräuter und Arzney Wissenschaft, reissen Einsichten einrändten möge. Mir wird es auch ungemein angenehm seyn, wenn Sie mir stets einen Platz unter Ihren Freunden einräumen, denn niemand kan mit mehrerem Grunde der Wahrheit und Aufrichtigkeit, als ich, sich nennen

Ihren getreuesten Freund
MATWEI APHONIN.

Russischer Edelmann

Upsala, d. 31 Januarii
1768.

Medicinæ Licentiaten Höglärde och Vidtförfarne.

Så gack då Nordan fiells och vårda Floras åra,
Du trampar väl den våg, som ganska få ha gått,
Men sök Gunneri stig och fölg Linnæi låra,
Så får Du vist den lön, som Floras Mån ha fått;
Du pryder Norjes fiäll; Du bygger Flora bus;
Som i Din födslo hygd en oblid Himmel känner;
Du är Apollos Man; blif i Ditt Land et ljus;
Men glöm ej räkna mig bland Dina Sväntka Vänner.

JOH. SALBERG.